



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆԻՔԻ ՄԱՐԶՊԵՏ

## Ո Ր Ո Շ Մ Ա Ն

“11” սեպտեմբերի 2015թ.

№ 115-Ս

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆԻՔԻ ՄԱՐԶՊԵՏԻ 2009Թ ԴԵԿՏԵՄԲԵՐԻ  
1-Ի № 193-Ս ՈՐՈՇՄԱՆ ՄԵՁ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ

Ղեկավարվելով <<Իրավական ակտերի մասին>> Հայաստանի  
Հանրապետության օրենքի 70-րդ հոդվածի 2-րդ կետով, համաձայն Հայաստանի  
Հանրապետության տարածքային կառավարման և արտակարգ իրավիճակների  
նախարարի 2015թ. օգոստոսի 31-ի թիվ 1/32.2/12506-15 գրության,

ո ր ո շ ու մ եմ՝

1. Հայաստանի Հանրապետության Սյունիքի մարզպետի 2009թ. դեկտեմբերի 1-ի  
<<Հայաստանի Հանրապետության Սյունիքի մարզպետարանի  
աշխատակազմի կառուցվածքային առանձին ստորաբաժանումների  
կանոնադրությունները հաստատելու մասին>> թիվ 193-Ս որոշման N 6  
հավելվածի <<Բաժնի գործառույթները>> բաժինը շարադրել հետևյալ  
խմբագրությամբ.

### II. ԲԱԺՆԻ ԳՈՐԾԱՌՈՒՅԹՆԵՐԸ

5. Բաժինն իր լիազորությունների շրջանակներում՝
  - 1) ապահովում է մարզի սոցիալ-տնտեսական զարգացման քառամյա ծրագրի  
մշակման աշխատանքները.
  - 2) ցուցաբերում է աջակցություն համայնքների ղեկավարներին՝ համայնքային  
զարգացման ծրագրերի կազմման գործընթացում.
  - 3) ապահովում է մարզի փոքր և միջին ձեռնարկությունների և  
ձեռնարկատիրական համակարգի աշխատանքների մասին տեղեկատվության  
վերլուծությունը.
  - 4) ապահովում է մարզի տարածքում գործող արդյունաբերական կառույցների  
աշխատանքի համակարգումը, նպաստում և աջակցում նրանց նպատակային  
գործունեության իրականացմանը, աջակցում և խրախուսում է նոր  
արդյունաբերական կառույցների և հանգույցների ստեղծմանը, տեղեկատվական  
գործառույթների իրականացման աշխատանքները իր իրավասության  
սահմաններում, ապահովում է նրանց կապը շուկայի հետ.
  - 5) ապահովում է մարզի սոցիալական աջակցության պետական ծրագրերի  
իրականացումը, աջակցություն է ցուցաբերում սոցիալական ծառայություններ

տրամադրող կազմակերպություններին՝ սոցիալական ծրագրեր իրականացնելիս.

- 6) առևտրի, հանրային սննդի և սպասարկման բնագավառներում ապահովում է մարզի տարածքում ոլորտի տնտեսվարող սուբյեկտների գործունեության ընդլայնումը և արդյունավետությունը.
- 7) ապահովում է մարզի սոցիալ-տնտեսական զարգացման քառամյա ծրագրի մոնիտորինգի իրականացումը.
- 8) ապահովում է մարզպետարանի, մարզպետարանի ենթակայության պետական ոչ առևտրային կազմակերպությունների, ինչպես նաև պետությանը սեփականության իրավունքով պատկանող բաժնետոմսեր ունեցող իրավաբանական անձանց հիմնական միջոցների վերաբերյալ տեղեկատվության ներկայացումը ՀՀ կառավարության առընթեր պետական գույքի կառավարման վարչություն.
- 9) ապահովում է մարզի համայնքների կողմից ներկայացվող առևտրի, հանրային սննդի և կենցաղային ծառայությունների վերաբերյալ հաշվետվությունների ներկայացումը Հայաստանի Հանրապետության տարածքային կառավարման և արտակարգ իրավիճակների նախարարություն.
- 10) մասնակցում է արտասահմանյան գործարարների հետ գործնական հարաբերությունների ստեղծման և դրանց զարգացման գործընթացին.
- 11) ապահովում է անհրաժեշտ աջակցություն մարզային ենթակայության կազմակերպությունների պետական գույքի օտարման գործընթացին, գույքագրման և աճուրդային հանձնաժողովների աշխատանքներին.
- 12) սահմանված կարգով մասնակցում է Բաժնի իրավասությանը պատկանող հարցերի վերաբերյալ միջազգային պայմանագրերի (համաձայնագրերի) նախագծերի մշակմանն ու քննարկմանը.
- 13) կազմակերպում է քաղաքացիների և իրավաբանական անձանց՝ Բաժնի հասցեագրված նամակների (դիմումներ, բողոքներ, առաջարկություններ) քննարկումը և օրենքով սահմանված ժամկետում ապահովում դրանց ընթացքը.
- 14) իրականացնում է իրավական այլ ակտերով սահմանված՝ Բաժնի գործունեության հետ կապված այլ գործառույթներ:

2. Հայաստանի Հանրապետության Սյունիքի մարզպետարանի աշխատակազմի ղեկավարին՝ ապահովել սույն որոշումից բխող անհրաժեշտ գործառույթների իրականացումը:

«ՍՅՈՒՆԻՔԻ ՄԱՐԶՊԵՏ

Ս.ԽԱԶԱՏՐՅԱՆ



2015թ. սեպտեմբերի 11  
ք. Կապան